

plastarijs tunditur. Quandoquidem tametsi sibi nares, & os omni prorsus ingenio goſipio, & linteis aqua roſarum made factis muniāt; tanta tamē est acrimonie uis tenuissima, ut omnibus una cum aere penetratis mūnimentis, in eorum tandem perueniat nares, ubi moleſtissimum excitat ardorem, qui non facile tollitur: quanquam etiam medicamentis adroxidum refrigerantibus ſuccuratur. Quo fit, ut ſolertiſimi pharmacopole bauilis, ac alijs uictum querentibus hominibus id mineriſ obcundum tradant: interim tamen certò ſciunt, non abſq; conuiitijs, & maledictis opus hoc ab illis peragi poſſe. Quamobrem mirum ſanē non fuerit, ſi qui ab arbore recentem colligunt, eximium acrimonie feruorem expaueſcentes, ē longinquo corticem feriant. Hanc plantam (ut Plinius quoq; teſtis eſt) adiuuit primū Iu-  
b. Liby. rex in monte Atlante ultra Herculis columnas, appellauitq; Euphorbiā medici ſui nomine, & fratriſ Mu-  
ſe, à quo diuinus Auguſtus fuit conſeruatus. Euphorbiō deiectoria inest facultas, cuius nusquam, quod equidem inue-

Euphorbiī ui-  
res ex Aētio,  
& Actuario.

Euphorbiī ui-  
res ex Mesue.

Ex Galeno.

Nomina.

nirin, meminere Diſcorides, & Galenus: tametsi can minimē ſilentio inuoluerint Aētius, & Actuarius, qui con-  
cordes de eo hiſ uerbis diſſeruerunt. Euphorbiū non modō pituitam trahit; ſed etiam aquam, hancq; ualidius educit.  
Eſt autem acerrimum omnium, que ego nouerim, ardentifimumq;: propterea colicis, & uentreſ frigidorem haben-  
tibus datur. ceteros uchementer conturbat: ſtim maxime cict. Nonnihil ex odoratis ſeminibus ei eſt commiſſendum.  
Modus triobolaris, ex aqua mulſa. Praefat tamen cum melle cocto iſpſum in catapotia redigere. Id quod etiam Pau-  
lus annotauit libro ſeptimo, ubi inter ea Euphorbiū recenſuit, que aquam, & pituitam deijciunt. Verū in ſimpliciū  
cenſu, Diſcoridem, Galenumq; ſecutus, de hac deiectoria facultate ipſe quoq; nihil memorie prodiſit. Ceterion  
inter Arabes Mesue ſuſius Euphorbiū uires tradidit in ſoluentiū medicinarum mentione, ubi ita, ad ſenſum ſalten  
ſcribit. Euphorbiū gummi eſt, quod uſque adeo excalfacit, extenuatq;, ut in hoc cetera gummi genera preceſſat.  
Excalfacit enim ordine quartu: quo fit, ut exulceret, ruborem, inflammationemq; inferat, penetret, & uiolenter ab-  
ſtergat. Euphorbiū noxiū admodum eſt medicamentum, ita ut non ſine labore, animi defectu, ac ſudore frigido al-  
uum deijciat. Iocineri ob id, uentriculoq; ſua ingenti acrimoniam magnam infert noxiā. Quapropter exhiberi mini-  
mē debet, niſi prius ijs commiſſetur medicamentis, que acerrimam eius uim retundere ualeant. Extrahit potum à  
profundis corporis partibus tum crassam, tum lentam pituitam, mundatq; compaginum cauitates à crassis contumaci-  
bus excrementis, qua in re omnium ualentissimum eſt medicamentum. Nervos expurgat ab infarctis iandu humo-  
ribus. Proficit ad hęc resolutis, conuulfis, ſtupidis, tremulis, orisq; diſtentionibus, & ceteris neruorum morbis à fri-  
gore obortis, ſi ex leucoij oleo leuigatum exterius inungatur. Iocineri, ſienijs, inunctum, mirificē cor uim dolores tol-  
lit à frigore, & flatu prouenientes. Sternutamenta ualentissime eit. Occipiti autem conſtricatum, ueterinos, obliuio-  
fosijs iuuat. A quam intercutem facillime extrahit duorum obolorum pondere potum. Sed drachmarum trium pon-  
dere haſtum (ut Serapio, & Aucenna ſcriptum reliquerunt) potantem interficit, trium dierum ſpatio eroſis ab eo  
intefinis, & uentriculo. Euphorbiū, teſte Mesue, quatuor eduat annis: neque eo prius utendum eſt, quām annum  
integrum conſenuerit. nanq; recens ob ingentem acrimoniam reprobatur. Seruatur commode milio, aut fabis, aut  
lentibus ſepultum. Euphorbiū facultates paucis perſtrinxit Galenus lib. viii. ſimplicium medicamentorum, ſic  
inquiens. Euphorbiū cauſtice, ſtue urentis, & tenuium partium facultatis eſt, alijs ſuccis ſimiliter. Et lib. ii. de  
compositione med. localium, cap. iii. tradiſt euoram hemiceranę, idem de Euphorbiō ita ſcribit. Porro de euphorbiū  
facultate iam mihi relatum eſt, quod citò exoluatur. quare in eiusmodi pharmacā non uetus coniūcere oportet. Dictrū  
etiam recens albidiuſ eſſe: quod uero inueteratum eſt, ſtauioris aut pallidioris coloris reddi. Planta, que Grecis  
& Phoenicis, Latinis item Euphorbiū nominatur, quemadmodum ſuccus eius: Mauritanis, Euforbiō, ſeu Farbiū:  
Italiis, Euphorbiō: Hispanis, Alſoruiam, Alſorifion, & Euforuiō: Gallis, Euphorbe.

Xαλβαν. GALBANVM.

CAP. LXXXI.

40

GALBANVM ſuccus eſt naſcentis in Syria ferulae, quod nonnulli metopium uocant. Maximē laudatur cartilaginosum, merum, thuris effigiem præbens, pingue, minimē lignosum, retinens nonni-  
hil adiecti ſeminis, & ferulae, graui odore, neque ualde humidum, neque nimis aridum. Adulteratur fa-  
ba freſa, reſina, & ammoniaco. Galbanum excalfacit, urit, extrahit, diſcutit: menses, ac partus trahit  
appoſitu, uel ſuſſitu. Lentigines aceto, & nitro perunctas tollit. Deuoratur ad tuſſim ueterem, diſſi-  
cultatem ſpirandi, ſuſpiria, rupta, conuulſa. Aduersatur toxicis, potum cum uino, & myrra: ſimi-  
modo ſumptum mortuos partus extrahit. Imponitur lateris doloribus, & furunculis: comitiales, &  
uuluæ strangulatus, & uertiginosos olfactu ſuſcitat. Si uratur, fugat nidore ſerpentes, & peruncos fe-  
riri non patitur. Serpentes cum oleo, & sphondylo circumpoſitum, necat: dentium dolorem oblitū,  
aut cauernis inditum, mitigat. vrinæ diſſicili prodeſſe existimatur. Resoluitur ad potionē amaris a-  
mygdalis, aqua, aut ruta, aut calido pane, mulſā: alijs meconio, ære uito, aut felle liquido. Si pur-  
gare Galbanum uoles, in feruentem aquam demittito. nanque cū liquefactum fuerit, eius ſordes  
fluſtabunt: quas hoc modo facilē ſeparabis. Mundo linteo, raroque alligatum in ſectili, aut ærea py-  
xide ita pendeat, ut imum uafis ne tangat: opertoque uafe in feruidam aquam demittito: ſic enim syn-  
cerum, ueluti per colum eliquescat, & lignosum in linteo remanebit.

Galbani con-  
ſideratio.

QVANVIS legitimum, optimumq; Galbanum in pluribus Italię locis, præſertimq; Venetijs uenale reperi-  
tur; id tamen, quo paſſim officine utuntur, nihil, uel ſanē parum Galbanum refert, quod in laudatiſſimi genere à Dio-  
ſcoride repreſentatur. Siquidem illud non modō ab impostoribus adulteratum eſt; ſed etiam lignorum ferularumq;  
ramentis, lapidibus, ac alijs compluribus recrementis uitiatum. Querant itaq; probi ſeplastarij, quod optimum eſt:

alij

alijs uero; qui parsimonie, ne dicam avaritiae student magis, quam honori, ut qui probatissimum uix nunquam a sequi possint, id saltem, quod impurum est, purgare deberent a Dioscoride edotti. quippe quod ea ratione, facte ab aduentitiis sordibus expurgari possit. Galbani uires tradidit Galenus libro VIII. simplicium medicamentorum, sic inquiens. Galbanum succus est plantae ferulacea, molliendi, & digerendi u. Fueritq; sane ex tertio ordine excalfacientium incipiente, aut secundo completo: in desiccando uero ex secundo incipiente. Id Graecæ χαλβαν, Latinæ Chalbanum, & Galbanum appellatur: Arabicæ, Chene, & Bezard: Italice, pariter & Hispanice, Galbano.

Galbani uires  
ex Galeno.

Nomina.

## Αμμωνιάνον. AMMONIACUM.

## CAP. LXXXII.

AMMONIACUM ferulæ succus est, quam iuxta Cyrenen Aphrica gignit: cuius fruticem cum radice agassillim uocant. Probatur bene coloratum, ligni & calculorum expers, thuris similitudine, minutis glebis, densum, syncerum, nulla sorde spurcatum, castoreum odore imitans, gustu amarum. Hoc genus thrausma, id est, friaturam appellant: quod uero terram, & calculos collegit, phryama. Gignitur in Aphrica iuxta Ammonis oraculum, succum stillante ferulacea arbore. Mollit, extrahit, calcitat: tubercula, duritasque discutit. potum aluum soluit, partus extrahit: liuen consumit, drachmæ pondere haustū: articulorum, coxendicumque doloribus liberat. Auxilio est anhelatoribus, orthopnoicis, comitialibus: item quibus humor in pectore coit, si cum melle delingatur, aut cu ptisanæ succo sorbeatur. Cruentam urinam pellit, albugines oculorum absterget, genarum scabritiam absunt: tritum autem cum aceto, & impositum, iocineris, lienisque duritas sedat. discutit tophos, qui in artibus concalluerunt, cum melle, aut cum pice illitum. Lassitudines, & coxendicum dolores eo perungi utile est, cum nitro, & cyprino oleo, uice acopi.

AMMONIACI lacrymam officinæ, mutata una litera, Armoniacum uocant. Cuius tamen syncripsimē pa rum ad nos conuehunc, qui ex Alexandria Aegypti cum mercimonijs Venetias redeunt. Quandoquidem rarisimum Ammoniacum uisitum, quod suis minutis glebis thus referat. Nam omne ferre, quo officinæ utuntur, pice & resine modo in massan compactum cernitur, impurum, ac quam plurimis impostorum adulterijs uitiatum. Ut hinc facile dici posse putauerim, hoc uel illegitimum, uel saltem deterius esse, idq; fortasse, quod Dioscoridit phryama nuncupatur. Cuus etiam meminit Plinius lib. XI. cap. XXIII. ubi de Ammoniaco ita scribit. Ergo Aethiopie subiecta Aphrica Ammoniae i lacrymam stillat in arenis suis. Inde etiam nomen ab Ammonis oraculo, iuxta quod gignitur arbor, quane Metopion uocat, resine modo, aut gummi. Genera eius duo, iherauston masculi thuris similitudine, quod maxime probatur: alterum pingue, & resinosum, quod phryama appellant. hec Plinius. Ceterum Ammoniaco usi sunt antiqui (ut Paulus est author) in sacrificiorum odoramentis, ac suffimentis. In quem sane usum illud ab ijs receptum fuisse coniiciendum est, quod electissimum, & thuri persimile extitit. Huius rei illud maximo est argumento, quod ab ipso Paulo, itemq; Aetio in suis medicamentis Ammoniacum thymiana, hoc est, suffimentum cognominatur, quasi Ammoniacum praestantissimum ita intelligere voluerint. Ammoniaci meminit Galenus lib. VI. simplicium medicamentorum, sic inquiens. Ammoniacum liquor est ferulæ eiusdam. Hoc habet emolliendi facultatem intensam, adeo ut articulorum tophos dissoluat, & lienes induratos sanet, & cheradas discutiat. Quod Graeci αμμωνιάνον, Latini item Ammoniacum dicunt: Mauritan, Raxach, siue Assach: Itali, Ammoniaco, & Armoniaco: Hispani, As guaxaque, & Armoniaque.

Ammoniaci  
consideratio.

Ammoniaci  
uires ex Gal.  
Nomina.

## Σαρκοκόλλη. SARCOCOLLA.

## CAP. LXXXIII.

SARCOCOLLA lacryma est arboris in Perside nascentis, pollini thuris similis, rufa, gustu amara. Vulnera glutinat, oculorum fluxiones inhibet. emplastris inseritur. Adulteratur admisto gummi.

LACRYMAM hanc Sarcocollam dixerunt Graeci, quoniam sicuti glutinum lignum, ita hæc sauciata, exuleat ratamue corporis carnem agglutinet. Quæ autem ad nos aduehitur, non omnis legitima est: quippe quod ea plerumq; (ut de alijs quoq; pluribus lacrymis, resinis, & liquoribus fieri superius diximus) gummi, & alterius generis lacrymis adulterata deseratur, & talis in officinis inueniatur. Verum frus gustu facile deprehenditur. quandoquidem quæ amara non est, adulterium sensit. Plinius lib. XIIII. cap. XI. albam ceteris prætulit, sic inquiens. Fit & ex Sarcocolla (ita uocatur arbor) gummi utilissimum pictoribus, ac medicis, simile pollini thuris: & ideo candidum, quam rufum melius. Et lib. XIXIIII. cap. XIIII. idem ita scribit. Sunt quæ & Sarcocolla spina lacrymam putent, pollini thuris similem, cum quadam acrimonia dulcem. Cum uino tusa sistit fluxiones: illinitur infantibus. Vetusate & hæc maximè nigrescit. melior quo candidior. hec Plinius. Qui tamen in Sarcocolla historia à Dioscoride, & Galeano maxime dissentit, cum hi Sarcocollam gustantibus amaritudinem relinquere afferant, ille uero contrâ dulcedinem.

Sarcocolla Mauritanis pituitosas cruditates, ac crassos, & glutinosos deicet humores, præsertim qui in compagnum, & coxendicum cavitatibus delitescant. Cerebrum mundat, item nervos, & pulmones: proinde tuftientibus, & difficulter spirantibus auxiliatur. Est etiam ex medicamentis, quæ senes iuvant, præcipue pituitosos. Caluescant tamen, qui frequentius ea utuntur. Præstat mirum in modum ad oculorum albugines, nubeculas, cicatrices, & id genus

Sarcocolla  
consideratio.

Sarcocolla  
uires ex Ara-  
bibus.

N 2 impedimenta,

Ex Galeno.

Nomina.

impedimenta, si in eratere uitreo asinino lacte maceretur quinq; diebus: interea tamen nouum lac quotidie est infundendum, priore effuso. Vulneraria præterea penicilla hydromelite prius madefacta, ac inde Sarcocolla puluere circumita auribus exulceratis utiliter imponuntur. Cruentis vulneribus, ac diuturnis ulceribus mirificè medetur: quippe que proprio suo munere ea à sordibus mundet, carne replete, cicatriceq; obducat. Aliu tardè deicicit, perturbatq; eos, quorum uentriculus bile redundant: quare cauendum est, ne ijs exhibeat. Roboratur eius deictoria facultas, genibere, & cardanomo additis. Hæc ex Arabibus de promissis. quæ sane tam antiquis, quam recentioribus incognita fuerunt, utpote qui ea nusquam, quod equidē legerim, scriptis tradiderunt. Sarcocolla vires retulit Galenus lib. viii. simplicium medicamentorum, ubi ita scriptum reliquit. Sarcocolla lacryma est arboris Persicæ. mistam uim habet ex emplastica quadam substantia, & puerula amara. Itaq; citra morsum deficcat, ac proinde glutinare vulnera ualeat. Lacryma, quæ σαρκοκόλλα Grecis, Sarcocolla item Latinis, & Italies appellatur: Arabibus, Anseris, Anazaron, seu Auzurut: Hispanis, Lancarotes: Gallis, Sarcocolle.

## Γλωκίου. GLAVCIVM.

CAP. LXXXIII.

GLAVCIVM succus est herbae, quæ ad Hieropolim Syriae nascitur, folijs ferè corniculati papaveris, pinguioribus tamen, in terram sparsis, odoris terti, gustus amari. tota croceo succo madet. Folia in olla fætili semifrigidis clibanis calfaciunt indigenæ, usque dum flaccescat: deinde contusis succum exprimunt. Cuius est usus ad oculorum medicamenta, utpote cum inter initia refrigeret.

Glauclij consi-  
deratio.Glauclij vires  
ex Galeno.

Nomina.

GLAVCIVM medicorum, & officinarum uulgo, qui barbarorum, & Arabum nomina usurpare solet, Se 10 rapionis, & Auicennæ modo, Memithe dicitur. Id autem, quo pañim seplastarij utentur, meo quidem iudicio, uerum syncerumq; Glauclij est. Quippe quod omnibus ferè notis, & facultatibus legitimo respondeat. Præter id enim, quod factò periculo, oculorum uitij opitulatur; forinsecus rufescit, intus uero croceo colore spectatur, et gustu amaro sentitur cum quadam grauolentia. tametsi pharmacopolas nonnullos quandoq; deprehederim, qui è maioris chelidonij succo Glauclij conficiunt. Sed animaduertendum est, quod in Serapionis codice, præter proprium Memithe caput, quod Dioscoridis est Glauclij, legitur etiam in capite de Curcumæ (nisi fortasse interpretis fuerit lapsus) Chelidoninæ minus uocari Memithe. Quod in Serapione uel interpretis, uel alterius culpa, mendum substat, inde nubi quidem orta est suspicio maxima, quod Dioscorides, cuius uerba ad unguem refert Serapio, Glauclij non meminerit in Chelidonij. Quo factum est, ut illi seplastarij depravata Serapionis lectione decepti, in hunc & alterum errorē incederint: quod non solum ex chelidonij suum Glauclij eliciant; sed etiam maius chelidonium minoris loco sumant, 30 quandoquidem illud succum croceum mittat Glauclij similem. Glauclij facultates memorie prodidit Galenus libro vi. simplicium medicamentorum, sic inquiens. Glauclij adstringit cum quadam fastidio. Tum adeò manifeste refrigerat, ut solum sepe erysipela, utiq; si ualentia non fuerint, curare posse. Mistura eius composita est ex aqua terreaq; substantia: utraq; sane frigida, uerum non summè, sed cœu aqua fontana. Γλωκίου sic Grecæ, ut etiam Glauclij Latinæ dicitur: Arabicæ, Memithe.

## Κόλλα. GLVTINVM.

CAP. LXXXV.

GLVTINVM, quod xylocollan, alij taurocollan uocant, præstantissimum Rhodiaccum, quod ex bubulis corijs conficitur. Id candidum est, & translucens. Nigrum uero minus probatur. Resolutum in aceto, impetigines, leprasque cutis delet: ambustis igni ex aqua calida dilutum, illutumque pustulas erumpere non patitur. Vulneribus prodest melle, aut aceto madefactum.

## Ιχθυόκολλα. PISCIVM GLVTINVM.

CAP. LXXXVI.

PISCIVM gluten, uenter est piscis cetacei. Præstat candicans, natione Ponticum, subasperum, minimè scabrum, & quod celerrimè liquescit. Vtile emplastris capitis, & leprarum medicaminibus, & tetanothris, quæ cutem faciei erugant, & extendunt.


Glutini con-  
sideratio.

Nomina.

NEMO est, qui taurinum, & piscium Glutinum non cognoscet: quare hac in re non pluribus uerbis opus est. 50 Verum sciendum, quod Glutinum taurinum hac ætate non modo è taurinis corijs conficitur; sed ex omnium quadrupedum pellibus. Huius, neq; alterius non reperio meminisse Galenum in simplicium censu. quanquam inibi libro vii. illius glutinis librarij mentionem fecerit, quod ex polline farinæ, & muria paratur, sic scribens. Gluten, quod ad liabros preparant ex similagine, & garo, emplastice, concoctorieq; facultatis est, quibus cuncte ipsum partibus illinas. Cæterum illud gluten, quod è piscibus fit, inter cetera simplicia puluis quidem retulit, sed ea tantum ferè de eo scribit, quæ Dioscoridi accepta referri possunt. Id Grecis κόλλα, ξυλοκόλλα, & ταυροκόλλα uocatur, quod Latinis Gluten & Glutinum: Italies, Colla di carniceio: Hispanis, Colla, & Grudel. Que uero Grecæ ιχθυόκολλα, Piscium glutinum Latinæ dicitur: Italice, quemadmodum & Hispanice, Colla di pesce. Arabicæ utrumq; gluten Zire, seu Gara nominatur: Germanicæ, Leim: Gallicæ, Colla.

I'fōs.

**V I S C U M** optimum est recens, intus porraceum, extrà fuluum, quod asperi nihil, aut furfuro-  
si conceperit. Fit t' acinis in queru nascentibus, buxeo fruticis folio. Contusum acinum lauant, &  
postea in aqua decoquunt. Sunt qui commanducando ipsum efficiant. Gignitur quoque in malo,  
pyro, & plerisque alijs arboribus. quinetiam inuenitur in quorundam fruticum radicibus. Emol-  
lit, discutit, extrahit. parotidas, tubercula, cæterasque collectiones ad maturitatem perducit, cum re-  
sina & pari cera mistum: epiny etidas in splenio sanat: uetera ulcera, abscessusque, quos cacoethes uo-  
cant, ex thure mollit. Lienem cum calce, gagate, aut Asio lapide coctum, & impositum absumit: cum  
sandaracha, aut auripigmento illitum, unguis extrahit. mistum cum calce, & uini fæce, suam uim  
intendit.



**V I S C U M** fit pluribus, ac diuersis modis. Verum omnium præstantissimum est, quod è granis in queru nascen-  
tibus conficitur. Huius præter id, quod inualidum in pyris, malisq; nascitur, ingens in Hetruria prouentus. Siqui-  
dem inibi non modo in queru laudatissimum prouenit, sed etiam in cerro, ilice, & castanea, in nostris præsertim  
maritimis Senensisibus, ubi uastissime assurgunt sylue, que non paruo pretio ijs locantur, qui uiscum efficiunt. Scan-  
dunt autem illi arbores immensas, non sine magno uitio suo periculo, sepiusq; funibus adalligati id muneris in aere pè-  
dentes obeunt. Grana, que legerunt, in aqua decoquunt, donec disruptantur: postea contundunt, & tandem la-  
uant in aqua, quoque furfuracea excrementa eximant. Refert Plinius, nasci Viscum in queru tantum, robore, ilie-  
ce, sylvestri pruno, terebintho, pinu, & abiete. At in Hetruria gignitur etiam in castanea, quod optimum est, malo,  
ac pyro, non tantum sylvestri, sed etiam doméstico, quanvis penitus inutile. Visci maxima Hetruscis utilitas est:  
nam præter eius usum in aucupijs, quibus mirum in modum delectantur ob ingentem turdorum copiam, qui autumni  
tempore, in syluis quibusdam ex iuniperis arte constructis, eo capiuntur, id etiam in primis utile est uitibus munien-  
dis, ne prima germinatione ab erucis, quibus omnia scatent, gemmæ deuorentur. Siquidem agricolæ Visco uites om-  
nes circundant, quo postea erodentes uermiculi, qui tam præstantissimo latici insidiantur, è terra sursum petentes,  
merito implicantur. Quod cum perspexisset natura omnium rerum parens, uisci multum Hetrurie largita est, ne hæc  
ob pestem uiino destitueretur. Visci fructu uescuntur turdi, præcipue magni, quos nostri uulgò turdellas appellant.  
Quorum stercore uisci semine pleno inficiuntur, & seruntur arbores, in quibus pernoctant, & uictitant: è  
quo tandem semine nascitur planta, que uiscum creat. Vnde scitè à Plauto dictum est. Turdus exitium sibi ecat.

Visci confi-  
deratio.Visci utilitas  
in Hetruria.

Cæterum Viscum per se non est arbor, sed in arboribus uiuit, fronde plerunque perpetua. Id quod etiam testatur  
Virgilius lib. v. 1. Aeneidis, cum inquit.

Quale solet sylvis brumali frigore Viscum

Frondē uirere noua, quod non sua seminat arbos.

Proinde Plinius lib. x vi. cap. ultimo ita scriptum reliquit. Quædam enim in terra gigni non possunt, & in arbo-  
ribus nascuntur. Nanque cum suam sedem non habeant, in aliena uiuunt, sicut Viscum. Omnino enim satum nullo  
modo nascitur, nec nisi per aluum auium redditum, maxime palumbis, & turdis. Hæc est natura, ut nisi matura-  
tum in uentre auium non proueniat. hæc Plinius. Quæ ante ipsum memorie prodidit Theophrastus libro xi. cap.  
xxiiii. de plantarum causis, unde illa mutuatus est Plinius. Porro id, quod in pinu, & abiete nascitur, quod  
(ut Plinius inquit) stelin Eubœa dicit, hipbear Arcadia, frequentissimum in Tridentino agro in uallis Ananis syl-  
uis conspicitur, ubi ingens turdellarum copia uictitat. Sed hoc ad aucupia prorsus inutile est: decoctum enim, & de-  
inde elotum omnem amittit lentorem. Quod autem in pinu, abiete, amygdalo, malo, pyroq; prouenit, perpetua fronde  
uiret. Id uero contraria, quod querui, robori, & castanea innascitur, utpote cui appetente hyeme omnia folia deci-  
dant. Huius rei causam reddere tentauit Theophrastus loco paulo ante citato, cum ita scribit. Viscum aliud folio esse

N 3 perpetuo,

Theophrasti sententia non accepta. perpetuo, aliud deciduo, haudquaquam absurdum est. Siquidem aliud uarentibus semper arboribus, aliud frondem amittentibus infidet. fit enim, ut in his careat alimento, in illis habeat, quantum abunde sit. Causa enim perpetue, decidue frondis hæc est, quemadmodum diximus. hactenus Theophrastus. Verum eniuero hæc Theophrasti sententia non omni ex parte probanda uidetur. quippe quoniam uniuersum Viscum, quod in amygdalo, pyro, maloq; in Italia prouenit, tan æstate, quam hyeme fronde perpetua uiret, cum tamen hæc arbore hyeme frondibus destituantur. Quo fit, ut aliunde huic rei causam petendam existinem. Fit præterea Viscum auiculis tantum capiens conumdatum, in Syria ex myxis, que Apbris Sebestena dicuntur, ut libro primo in prunorum mentione de ijs differentes retulimus. Ut tunc hoc Insubres suis in aucupijs, quod arboreo uisco careant, illudq; ē Venetijs defuerunt, quod primum ex Damasco Syria aduicitur: unde Damascenum uocatur. Sed id querno bonitate cedit. Fit quoque Viscum ē quarundam arborum radicibus, agrifolijs præsertim, & uiburni, quarum etiam arborum historiam libro primo palui, & rhois commentarijs inserimus. Qui autem ex huiusmodi arboribus uiscum conficiunt, cortices radicum sumunt, effossaq; serobe inter suarum arborum frondes humido solo sepeliunt, ibi q; tanto tempore dimittunt, quoad computrescant: mox eximunt, & tandem in pila contundunt, donec lentorem concipient: deinde aqua calida lauant, & manibus commiscent. Hac etiam ratione quibusdam in locis fit ex ibisci radicibus. Sunt qui querni uisci lignum in tenuissimum puluerem redigant, & comitalibus hauriendum præbeant. quo tantum medicamento multos fuisse sanatos pro certo affirmant. Sed noui ego complures, morbi, & medicamenti prorsus ignaros, qui ligni loco Viscum ipsum in catapotij deuorandum dederunt. Visci meminit Galenus lib. vi. simplicium medicamentorum, ubi de eius uatribus differit ijs uerbis. Viscum ex plurima aërea, & aqua calida, paucissima terrena substantia constat. Nam acrimonia in eo amaritudinem excellit. Itaque etiam affectus substantie respondent. Siquidem ualenter ex alto humores extrahit, nec eos tantum tenues, sed & crassiores, eosque diffundit, ac digerit. Est autem ex eorum genere, que non protinus post primam appositionem excalfaciunt, sed que tempus requirunt, uelut thapsa. Sed & supra commonius, inesse calidis facultate medicamentis, ubi largum continent humorem recrementium. Nomen illi Græcum, ἕλιος: Latinum, Viscum: Arabicum, Dabach, seu Dibach: Italicum, Vischio, & Pania: Germanicum, Vogel licim: Hispanicum, Visco.

Visci uires ex Galeno. Nomina. † Nulla hic in Græcis codicibus fit acinorum mentio, sed hæc tantum leguntur. γίνεται εἰς τύπον περιφέρουσα. hoc est. Fit ex quodam fructu rotundo. Cui etiam lectioni adstipulatur Serapio. Sed interpres uidetur secutus Plinium, qui lib. xvi. cap. ultimo sic inquit. Viscum fit ex acinis, qui colliguntur mesum tempore innaturi.

## Α'ωριν. APARINE.

## CAP. LXXXVIII.



Aparines con federatio.

Aparines ui res ex Gal.

Nomina.

APARINE ramis multis, & paruis fruticat, asperis, quadrangulis, per interualla orbiculato foliorum ambitu, ut in rubia: flos albus: semen durū, rotundum, concavum, album, umbilici figura, asperitate uestium tenaci. Ea pastores coli uice utuntur ad eximendos è lacte pilos. Seminis, caulinum, ac foliorum succus, potu contra uiperarum, phalangiorumque morsus auxiliatur: infuso aurum dolori medetur. Herba cum axungia trita, strumas discutit.

APARINE nusquam non prouenit, sed præsertim (ut Theophrastus inquit) inter lentes. Itali hanc uulgò uocant Sporonella, quod folia circa caulem ad calcarium stimuli modum, asterisci instar proferat. Tactu hæc asperrima est, quapropter cum adoluerit, attingentium uestibus pertinaciter hæret. Huius succum magnificiunt quidam ad recentia uulnera glutinanda, et ad papillarum rimas. Aparines meminit Galenus lib. vi. simp. medic. ubi sic breuiter inquit. Aparine, quidam philanthropon, alii omphacocarpum cognominant, modice extergit, et desiccat: habetq; nonnihil subtilium partium. Herba hæc Græcis α'ωριν uocatur: Latinis similiter Aparine: Italis, Aparine et Sporonella: Germanis, Klebkraut: Hispanis, Presera: Gallis, Granteron.

## Α'λυσον. ALYSSUM. CAP. LXXXIX.

ALYSSON exiguus frutex est, unicaulis, subasper, rotundis folijs: fructu duplicitum scutorum effigie, in quo est semen quadantenus latum. In montibus, & asperis locis emicat. Eius decoctum singultus sine febri, potu

potu discutit: idem efficit, si quis eam aut teneat, aut odoretur. cum melle trita vitia cutis in facie, & lentigines emendat. Contusa in edulio rabiei canis mederi putatur. domibus appensa salutaris esse creditur, & hominibus, atque brutis fascini amuletum. Purpureo linteo circumligata, pecorum morbos abigit.

**A LY S S I uaria est apud authores historia. Nam si Plinio est adhibenda fides, Alyssum ea plane fuerit herba, quam Rubiam minorem vocamus: quæ quidem, preterquam quod folia ferat longe minoria, prorsus Rubia similis cōstat.** Quod autem Plinio h.e.c Alysson sit, eius uerba declarant lib. x x i i i . cap. x i . ubi de erythrodano ita scribit. Erythrodanus, quam aliqui erythrodanum vocant, nos Rubiam, qua tinguntur lanæ, pelleſq; perficiuntur, in media urinam ciet. Morbum regium sanat ex aqua mulsa: & lichenas, ex aceto illata: & ischiadicos, & paralyticos, ita ut bibentes lauentur quotidie. Radix, semenq; trabunt menses, aluum fistunt, & collections discutant. Contra serpentes rami cum folijs imponuntur. Folia & capillum tingunt. Inuenio apud quosdam morbum regium sanari hoc frutice, etiam si adalligatus spectetur tantum. Distat ab eo, qui Alysson vocatur, folijs tantum, & ramis minoribus. Quippe nomen accepit, quod à cane emorsos rabiem sentire non patitur, potus ex aceto, adalligatusq; haec tenus Plinius. Quem facile quis suspicari posset, Dioscoridis Alyssum reddidisse, eo ductus argumento, quod is statim post aparinem, quan rubia similem fecit, Alyssum descripsit: nisi omnibus frē notis hoc à rubia minore differre perspicuum esset. Siquidem Dioscoridi Alyssum folijs est rotundis, fructu duplicitum seutorum effigie, in quo semen quadantenus latum, in montibus, & asperis locis nascitur. Quæ sane omnia in minori Rubia desiderantur. Quod præterea Dioscoridi, ut Plinio, Rubia minor non sit Alyssum, ex eo aperte cognoscitur, quod is infra de maiori, & minori Rubia, eodem capite tractauerit. Id quod minime quidem fecisset, si nullam iudicasset inter minorem rubiam, & Alyssum intercedere differentiam. Quare uel Plinium hac in re hallucinatum, uel diuersum à Dioscoride Alyssum accepisse crediderim. Porro magis adhuc Alyssi historiam ea confundere mihi uidentur, quæ de eo posteritatis memoriae prodidit Aëtius, cum inquit. Alyssum eam herbam esse aiunt, quam Heraclæam siderium vocant, quæ propter vias ubique nascitur, purpureo flore, folijs crassioribus. Nomen traxit, quod à cane rabido emorsis mirum in modum opituletur. His uerbis Aëtius non solum non referre Dioscoridis Alyssum deprehendit, sed neq; etiam satis exprimere, quam siderit pro Alyso intelligat. Nam cum tres sint siderites à Dioscoride monstratae, quarum due, prima scilicet, & ultima, heraclea vocantur, non equidem scire possum, an primam, uel ultimam in suum Alyssum receperit Aëtius. Florem siquidem purpureum habet sideritis Dioscoridi postrema, in vineis, & macerijs nascens; folium tamen non crassum, sed tenuem, coriandri modo, in ambitu laciniatum, ut eam plane referat plantam, quam uulgas herbariorum Rubertam appellat. Huic postremo, ut alijs quoq; non consentiunt quæ de Alyso retulit Galenus lib. i i . de antidotis, ubi nonnulla Asclepiadis medicamenta ad rabidi canis morsus commemorat. Alyssum, inquit, herba est marrubio adsimilis, asperior tamen, & magis aculeata circa orbiculos: florem ad cœruleum uergentem profert. Hanc sub caniculae astu colligere oportet: exicata contundi, cribrari, & seruari debet, ne diffletur. Ex his Galeni uerbis passam est, Alyssum ab eo ex Asclepiade descriptum, potius primam, quam ultimam sideritum referre. Cum igitur uaria admodum sit de Alyso authorum sententia, cūq; eius historia tam uaria, incertāq; habeatur, difficile quidem fuerit asserere, quenam planta Alyssum legitime vocari possit. Ruellius tamen eam plantam, quam herbarij (ut ipse ait) sylvestrem cannabinum vocant, putat esse Dioscoridis Alyssum, uel ad ipsum propius accedere. Quod, ne semper aliorum errata corrige uidear, ijs dijudicandum relinquo, qui in simplicium historia etiam mediocriter uersati, h.e.c & maiora dijudicare possunt. Cæterum Alyssum à Galeno ex Asclepiade representatum, in Italia prouenire non equidem inficiat, neq; illud similiter, cuius meminit Aëtius. Sed quod horum in usu medico probandum, uel reprobandum sit, non facile decernere ausim. quanquam à Galeno nunquam discedendum putauerim. Qui præterea Alyssi facultates tradidit lib. v i . simplicium medicamentorum, his uerbis. Nuncupata est hæc herba Alysson, quod mirifice iuuet demorsos à cane rabido. Sed & rabienti quoque data, sepe in totum sanavit: atq; hoc ex totius substantie similitudine efficit. Dictumq; prius est talis facultatem ex sola percipi experientia, et plane nulla constare methodo. Quod si quis ad multa experientur, cognoscet facultatem habere mediocriter specificam, & digerentem, cum hoc ut abstensionem nonnihil etiam obtinet. Hac ratione & uitiliginem, & maculas faciei à sole prognatas expurgat. Herba, quæ ἀλυσος Græcè, Alyssum quoq; Latinè dicitur: Italicè, Aliso.

Alyssi consideratio.

Varia de Alyso sententia.

Alyssi uites ex Galeno.

Nomina.

### ΑΣΚΛΕΠΙΑΣ. ASCLEPIAS.

### CAP. XC.

**A S C L E P I A S**, ramos emittit longos: folia hederæ, longa: radices numerosas, tenues, odoratas: floris uirus graue: semen securidacæ. nascitur in montibus. Radices ex uino potæ torminibus auxiliantur, & contra serpentium ictus. Folia aduersus vuluæ, mammarum quæ ulcera, quæ cacoë-th uocant, illinuntur.

**F A L L V N T V R**, mea quidem sententia, qui Asclepiadis uice, quam in montibus nascit tradidit Dioscorides, necnon etiam Plinius, eam herban accipiunt, quam uulgares quidam chirurgici Hederam terrestrem nominant: quæ plerunq; secus vias nascitur, & perpetuo humi serpit folijs rotundis, asperis, per ambitum quadantenus serratis, loto-go tenuiq; funiculo appendit: floribus exiguis, in purpura albicantibus: radicibus tenuissimis. Siquidem præterquam quod Dioscorides scriptum non reliquit Asclepiada in ijs publicis nasci, nusquam etiam, quod legerim, prodidit eam tam longo repere tractu, & folia rotunda proferre. Nec minus etiam, ut equidem arbitror, balluemantur ijs

Asclepiadis consider. Quorundam lapsus.

(pace

Fuch. error.

(pace tamen Fuchsij eruditissimi dixerim, quem constat ex suis commentarijs hanc habuisse sententiam) qui putant Asclepiada eam esse plantam, quam uulgaris herbariorum Vincetoxicum uocat. que frequenter in saxonis, & asperis locis prouenit, leui admodum caule: folijs lauro acutioribus: flore albo, muscofo: corniculis tenuibus, oblongis: radicibus innumeris, albicantibus. Quandoquidem huius cum folia, tum radices nullo odore commendantur: flores uirus aliquod non redolent: semen non est securidace simile. Adder etiam, quod ex Oribasis lectione Asclepias non profert folia longa. cui subscriptis Marcellus interpres, fatus fortasse, ut solet, probatissimis exemplaribus. Præterea antiquissimus codex manu scriptus de radicibus non legit ωλλάς, hoc est, multas, sed tantum λεωτάς, λέωδες, id est, tenues, odoratas. Sunt tamen qui Vincetoxicum hoc uenenis maximè aduersari scribant: quin et si actis, & ab alto devolutis auxiliari, si contrite in puluerem radices ex uino sumantur. Has præterea laudibus efferunt ad mammas à partu turgentibus, præsertim ubi lac in eis coierit: in quorum usu radices ipsas decoquunt, quas deinde cum po lenta mammis illinunt. Sed perperam, quod hoc Asclepiadis sit proprium. Ceterum non desunt, qui illam humire pentem herbam, de qua antea diximus, pluribus celebrent facultatibus, præsertim ad thoracis, & intestinorum uulnera. quamobrem potionis ex ea magna opinione facilitant, & succum eius in unguentis admiscent: namq; uulneraria est, & glutinatoria. Asclepiadis meminit quidem Galenus libro v. simplicium medicamentorum, sed nihil de eius uiribus differens, sic tantum inquit. In tertio Dioscorides de hac herba conscripsit. at nos eius nondum periculum fecimus. Ea Græcæ ασηλιτίας, ut etiam Latine Asclepias nominatur: Italica, Asclepiade.

Nominaz.

## ΑΤΡΑΚΤΥΛΙΣ. ATRACTYLIS.

CAP. XCII.

TRACTYLIS, spina est enico similis, folia multò longiora ferens in summis uirgis, magna parte nuda, asperaque, qua fœmina pro fusis utuntur. capitula in cacumine spinis horrent: flos luteus, quibusdam in locis purpureus inuenitur: radix tenuis, superuacua. Coma, semen, & folia cum pipere, & uino teruntur utilissimè contra scorponum iectus. Percusso tradunt, quandiu ea teneatur herba, nullum experiri dolorem, ipsumque deposita statim recrudescere.

Atractylidis  
consid.Ruel. & Her-  
molai error.

ERRANT haud dubie, ut mea quidem fert opinio, Ruellius, & Hermolaus: quippe qui existimauerint Atractylida esse Cnicum sylvestrem, cuius primo loco meminit Theophrastus lib. v. cap. IIII. de plantarum historia. Si quidem magnam ego inter sylvestrem Cnicum, & Atractylida inuenio apud Theophrastum esse differentiam. Quod ut omnibus perspicuum esse posse, ijs præsertim, qui aliter sentiunt, hic Theophrasti uerba de Cnico, Acarna, & Atractylide subiectam. Cnicum, inquit, sylvestri, urbanisq; discernit. Sylvestris genera duo notantur: alterum urbe no admodum simile, recticaulius tamen: quamobrem eo mulierum priscarum nonnullæ pro colu utebantur. fructum nigrum, maiuscum, amarumq; parit. Alterum genus densum constat, caulesq; sonchos profert, quodammodo humicale fit: nam propter foliorum mollitiam declinatur, procumbitq; ad arua. fructum amarum, frequentem, barbaq; modo birsutum gignit. Sunt ambo seminosa, uerum sylvestre copiosius fert. Eius peculiare præ alijs sylvestribus est, quod illa duriora, spinosioraq; urbanis prouenient: hoc autem mollius, ac leuis constat. Acarna quoad simplici ratione exprimi licet, aspectu enico urbano similis est, colore flauicans, succo pinguis. Fusus agrestis (sic enim Atractylida Latini nominarunt) his candidior est: habetq; peculiare, quod in folijs euemit. decerpta enim, carnisq; alata, succum sanguineum effundunt: qua de causa φόνος, id est, crux à quibusdam spina hæc est nominata. grauis etiam odore, cruxemq; representans. Serò perficit fructum, autumno enim. & quidem in totum (ut summatim proposam) uniuersa spinaceorum natura fructus serotina existit. hæc Theophrastus. Ex quibus uerbis facile cognosci potest, in Atractylidis historia aperte aberrasse Ruellium, cum in tertio suo de natura stirpium libro assertit, Fusum agrestem, hoc est Atractylida, nil aliud esse Theophrasto, quam primum Cnici sylvestris genus. utpote qui non animaduertitur, quod Atractylis Theophrasto alia est à Cnico sylvestri planta: quanquam illi fortasse non assimilis, & cui ea tantum insit proprietas, ut e folijs succum sanguineum fundat: id quod nullo Cnici generi tribuitur. Errandi ei occasionem, meo quidem iudicio, præbuit Plinius, quod lib. x. cap. x. sylvestrem Cnicum à quibusdam Atractylida uocari tradiderit. Vbi postquam commemorasset nonnullas spinosas plantas, quibus Aegypti in cibis utuntur, de Cnico tandem in hunc modum differuit. Multas præterea, inquit, ignobiles habent plantas. Sed maximè celebrant Cnicon Italie ignotam, ipsis autem oleo, non cibo gratam. Hoc faciunt ex semine eius. Differentia prima sylvestris, & satiue. Sylvestrum due species, una mitior est, simili caule, tamen rigido, exilis. Itaq; & pro colu antique mulieres utebantur. quam quidam atractylida uocant. Semen eius candidum, & grande, amarum. Altera birsutior, torostiore caule, & qui penè humili serpat, minuto semine. hæc Plinius uerba. Que eti quidem certam fidem faciant, primum sylvestris Cnici genus à quibusdam Atractylida fuisse uocatum; non tamen propterea affirmant, Atractylim esse Cnicum sylvestrem. Atractylidis deinceps speciatim meminit ipse Plinius cap. xvi. eiusdem libri, cum inquit. Acarna colore tantum rufo (à scolymo scilicet) distinguitur, & pinguiore succo. Idem erat Atractylis quoque, nisi candidior esset, & nisi sanguineum succum funderet. qua de causa phonos uocatur à quibusdam. Odore etiam grauis, serò maturescente semine, nec ante autumnum. quanquam id de omnibus spinosis dici possit. hactenus Plinius. Ex ijs igitur omnibus meritò colligendum esse putauerim, legitimam Atractylidem nullum esse sylvestris Cnici genus, sed aliam per se plantam, nempe illam, qua pro fusis præce utebantur mulieres. Quod sane animaduertens Theodorus sui Græci idiomatici peritissimus in Theophrasti versione, Atractylida fusum agrestem interpretatur, non autem colum, ut primum agrestis Cnici genus uertendo, ex antiquo ad colos usu, id Colum agrestem recte cognominari posse monstrauit. Qua in re is plane declarasse uidetur, priscas mulieres agresti Cnico colu nice fuisse usas, fusorum uero loco